

**ԿԼԻՄԱՅԱԿԱՆ ՔԱՂԱՔԱՑԻԱԿԱՆ  
ՇՐՋԱՆԱՌՈՒ ՆԵՐԴՐՈՒՄՍՅԻՆ  
ՀԻՄՆԱԴՐԱՄՆԵՐԸ՝ ՈՐՊԵՍ  
ՀԱՄԱՅՆՔԱՅԻՆ ՆԱԽԱԳԾԵՐԻ  
ՖԻՆԱՆՍԱՎՈՐՄԱՆ ՄԵԽԱՆԻԶՄ**



Մեզանում ձևավորվել է մի իրավիճակ, երբ համայնքների տնտեսական ու սոցիալական զարգացումը գրեթե լիովին կախված է կառավարության կողմից տրամադրվող դոտացիաներից, սուբսիդիաներից ու սուբվենցիաներից:


Նման իրողությունը, բնականաբար, չի նպաստում համայնքների ինքնակառավարման ու ինքնաբավության կարողությունների զարգացմանը: Ավելին, նման պայմանները էապես խոչնդոտում են համայնքային նախաձեռնությունների, մասնավորապես՝ ներդրումային նախագծերի իրականացումը:

«ՀՀ ազգային մակարդակով սահմանված նախատեսվող գործողությունների /ներդրումների» (INDC) ֆինանսական մեխանիզմի ներդրում միջին եվ փոքր քաղաքային եվ գյուղական համայնքներում» ծրագիրը միտված է փոխելու իրավիճակը բնակավայրերի սոցիալ-տնտեսական զարգացման, միաժամանակ բնապահպանական խնդիրների բացահայտման ու լուծման գործընթացի մեջ համայնքների ու բնակավայրերի բնակչությանը անմիջապես ներգրավելու միջոցով:



Ծրագրի հիմքում համայնքի բնակիչներին անօտարելի իրավունքով պատկանող կլիմայական քաղաքացիական շրջանառու ներդրումային («կանաչ») հիմնադրամի ձևավորման գաղափարն է: Հիմնադրամի դրամագլուխը պետք է բաղկացած լինի երկու բաղադրիչից՝ ա/ սույն ծրագրի, դոնորների ու այլ աղբյուրների տրամադրած ներդրումային միջոցներից

և բ/ ապագայում համայնքին տրամադրվող մշտատև ու կայուն՝ ամենամյա բնապահպանական սուբվենցիաներից:




Ծրագրի նպատակն է օժանդակել համայնքների բնակիչների ու քաղհասարակության ներգրավմանը բնակավայրերի սոցիալ-տնտեսական զարգացման, բնապահպանական խնդիրների բացահայտման ու լուծման գործընթացներում:



Քաղաքացիական շրջանառու ներդրումային հիմնադրամի ձևավորման գործընթացում կարևորագույն խնդիր է բնակչության իրական և գործուն ներգրավվածությունը, ինչն իր հերթին ենթադրում է համայնքի բնակիչների ինքնակազմակերպման կարողության բավարար մակարդակ: Բնակչության ինքնակազմակերպման առաջնային օղակը համայնքն է, իսկ համայնքների խոշորացման դեպքում՝

բնակավայրը: Ուստի, նպատակահարմար ենք գտնում կլիմայական քաղաքացիական շրջանառու ներդրումային հիմնադրամի ձևավորման գործընթացը սկսել Հայաստանի միջին և փոքր քաղաքային ու գյուղական համայնքներից ու բնակավայրերից:



Հրավիրում ենք համայնքների ու բնակավայրերի բնակչությանը ընդգրկվել ծրագրում, նախաձեռնել կլիմայական քաղաքացիական շրջանառու ներդրումային հիմնադրամների ստեղծումը և մասնակցել համայնքային ներդրումային նախագծերի իրականացմանը:

Նորարարական բնույթի այս ծրագրի բովանդակային և ֆինանսական սխեմայի մասին պատկերացում կազմելու համար առաջարարվում ենք դիտել սույն ՓԴԾ նախագծի շրջանակում պատրաստած տեսաֆիլմը հետևյալ հղումով.

<https://www.youtube.com/watch?v=wY4ct3Z5wp0&feature=youtu.be>



Նախագծի մասին համառոտ տեղեկությունը տեղակայված է նաև հետևյալ կայքէջերում  
<http://www.sgp.am/am/Projects?id=79>  
<https://khazer.org/hy/hh-inds/>

Ծրագրում ընդգրկվելու համար դիմե՛ք.

«ԽԱԶԵՐ» էկոլոգամշակութային հասարակական կազմակերպություն  
Հեռ.՝ 534 652; 093 73 72 79; 091 24 00 81  
Էլ.փոստ՝ [info@khazer.org](mailto:info@khazer.org)  
Կայք՝ [www.khazer.org](http://www.khazer.org)



ԿԼԻՄԱՅԱԿԱՆ ՔԱՂԱՔԱՑԻԱԿԱՆ  
ՇՐՋԱՆԱՌՈՒ ՆԵՐԴՐՈՒՄԱՅԻՆ  
ՀԻՄՆԱԴՐԱՄՆԵՐԸ՝ ՈՐՊԵՍ  
ՀԱՄԱՅՆՔԱՅԻՆ ՆԱԽԱԳԾԵՐԻ  
ՖԻՆԱՆՍԱՎՈՐՄԱՆ ՄԵԽԱՆԻԶՄ

